

十三經註

仁
479
43





波
21
43



春秋左傳註卷第四 桓元年

晉 杜 預 註

桓公 名軌惠公之子隱公之弟母仲子史記亦名允諡法辟土服遠曰桓

經元年春王正月公即位

嗣子位定於初喪而改元必須踰年者繼父之業成父之志不忍有變於中年也諸侯每首歲必有禮於廟諸遭喪繼位者因此而改元正位百官以序故國史亦書即

春秋左傳卷四 桓公 一 管古婁



位之事於策桓公篡立而用常禮欲自同
於遭喪繼位者釋例論之備矣

三月公會鄭伯于垂鄭伯以璧假許田假舉下反
夏四月丁未公及鄭伯盟于越

公以篡立而脩好於鄭鄭因而迎之成禮
於垂終易二田然後結盟垂犬邱衛地也
越近垂地名鄭求祀周公魯聽受祊田令
鄭廢泰山之祀知其非禮故以璧假為文

時之所隱

秋大水

書災也傳例曰凡平原出水為大水

冬十月

傳元年春公即位修好于鄭鄭人請復祀周
公卒易祊田公許之三月鄭伯以璧假許田
為周公祊故也復扶又反為于偽反

易祊田事在隱八年魯不宜聽鄭祀周公

春秋左傳卷四 桓公 二 魯古婁

又不宜易取祊田犯二不宜以動故隱其實不言祊稱璧假言若進璧以假田非久易也

夏四月丁未公及鄭伯盟于越結祊成也盟曰渝盟無享國

結成易二田之事也傳以經不書祊故獨見祊渝變也

大水凡平原出水為大水

廣平曰原

冬鄭伯拜盟

鄭伯若自來則經不書若遣使則當言鄭人不得稱鄭伯疑謬誤

宋華父督見孔父之妻于路目逆而送之曰

美而豐蓋華戶化反督音篤蓋以瞻反

華父督宋戴公孫也孔父嘉孔子六世祖

色美曰豔

經二年春王正月戊申宋督弑其君與夷及其大夫孔父

稱督以弑罪在督也孔父稱名者內不能治其閨門外取怨於民身死而禍及其君

滕子來朝

無傳隱十一年稱侯今稱子者蓋時王所黜

三月公會齊侯陳侯鄭伯于稷以成宋亂

成平也宋有弑君之亂故為會欲以平之

稷宋地

夏四月取郕大鼎于宋戊申納于大廟

大音泰

宋以鼎賂公大廟周公廟也始欲平宋之亂終於受賂故備書之戊申五月十日

秋七月杞侯來朝

公即位而來朝

蔡侯鄭伯會于鄧

潁川召陵縣西南有鄧城

九月入杞

不稱主帥微者也弗地曰入

公及戎盟于唐冬公至自唐

傳例曰告于廟也特相會故致地也凡公行還不書至者皆不告廟也隱不書至謙不敢自同於正君書勞策勳

二年春三月齊高子氏殺孔父而取其妻公怒督懼遂弑殤公君子以督為有無君之心而後動於惡故先書弑其君會于稷以成宋亂為賂故立華氏也宋殤公立十年十一戰民不堪命孔父嘉為司馬督為大宰故因民之不堪命先宣言曰司馬則然已殺孔父而弑殤公召莊公于鄭而立之以親鄭以郕大鼎賂公齊陳鄭皆有賂故遂相宋公為賂于偽反栢

春秋

息亮

反

稽古

督雖有君若無也經稱平宋亂者蓋以魯
 君受賂立華氏貪縱之甚惡其指斥故遠
 言始與齊陳鄭為會之本意也傳言為賂
 故立華氏明經本書平宋亂為公諱諱在
 受賂立華氏也猶壁假許田為周公祊故
 所謂婉而成章督未死而賜族督之妄也
 殤公以隱四年立十一戰皆在隱公世司

馬則然言公之數戰則司馬使爾嘉孔父
 字莊公公子馮也隱三年出居于鄭馮入
 宋不書不告也郟大鼎郟國所造器也故

繫名於郟濟陰城武縣東南有北郟城

夏四月取郟大鼎于宋戊申納于大廟非禮
 也臧哀伯諫曰君人者將昭德塞違以臨照
 百官猶懼或失之故昭令德以示子孫是以
 清廟茅屋大路越席大羹不致粢食不蠶昭

春秋左傳卷四 桓公 六 皆古書

其儉也衮冕黻珽帶裳幅舄衡紃紕纒昭其
 度也藻率鞞鞞鞞厲游纓昭其數也火龍黼
 黻昭其文也五色比象昭其物也錫鸞和鈴
 昭其聲也三辰旂旗昭其明也夫德儉而有
 度登降有數文物以紀之聲明以發之以照
 臨百官百官於是乎戒懼而不敢易紀律今
 滅德立違而寘其賂器於大廟以明示百官
 誅焉國家之敗田官邪也

言之失德龍賂章也部鼎在廟章孰甚焉武
 王克商遷九鼎于維邑義士猶或非之而況
 將昭違亂之賂器於大廟其若之何公不聽
 周內史聞之曰臧孫達其有後於魯乎君違
 不忘諫之以德越戶括反桑音谷食音嗣鑿
 也頂反幅音逼焉音昔統多敢反紘獲耕反
 纒音延率音律鞞補頂反鞞布孔反鞞步干
 反游音留纓於陵反黼音甫錫音陽
 鈴音令寘之鼓反邪似嗟反雜音洛

臧哀伯魯大夫僖伯之子茅屋以茅飭室

著儉也清廟肅然清淨之稱也大路王路
祀天車也越席結草大羹肉汁不致五味
黍稷曰粢不精鑿此四者皆示儉袞畫衣
也冕冠也黻韋鞞以蔽膝也珽玉笏也若
今吏之持簿帶革帶也衣下曰裳幅若今
行滕者舄履衡維持冠者紬冠之垂者
絃纓從下而上者緹冠上覆昭其度尊卑
各有制度藻率以韋爲之所以藉王也玉

五采公侯伯三采子男二采鞞佩刀削上
飾鞞下飾鞶紳帶也一名大帶厲大帶之
垂者游旌旗之游纓在馬膺前如索疇昭
其數尊卑各有數火畫火也龍畫龍也白
與黑謂之黼形若斧黑與青謂之黻兩已
相戾昭其文謂以文章明貴賤車服器械
之有五采皆以比象天地四方以示器物
不虛設錫在馬額鸞在鑣和在衡鈴在旂

動皆有鳴聲三辰日月星也畫於旂旗象天之明登降謂上下尊卑立違謂立華督違命之臣九鼎殷所受夏九鼎也武王克商乃營雒邑而後去之又遷九鼎焉時但營雒邑未有都城至周公乃卒營雒邑謂之王城即今河南城也故傳曰成王定鼎于郊鄘義士蓋伯夷之屬內史周大夫官也僖伯諫隱觀魚其子哀伯諫桓納鼎積

善之家必有餘慶臧孫其有後於魯

秋七月杞侯來朝不敬杞侯歸乃謀伐之蔡侯鄭伯會于鄧始懼楚也

楚國今南郡江陵縣北紀南城也楚武王始僭號稱王欲害中國蔡鄭姬姓近楚故懼而會謀

九月入杞討不敬也

公及戎盟于唐修舊好也

春秋左傳

卷四

桓公

九

管子

惠隱之好

冬公至自唐告于廟也凡公行告于宗廟反
行飲至舍爵策勳焉禮也特相會往來稱地
讓事也自參以上則往稱地來稱會成事也

舍音赦參七南
反上時寧反

爵飲酒器也既飲置爵則書勳勞於策言
速紀有功也特相會公與一國會也會必
有主二人獨會則莫肯為主兩讓會事不

成故但書地成事成會事

初晉穆侯之夫人姜氏以條之役生大子命
之曰仇其弟以千畝之戰生命之曰成師師
服曰異哉君之名子也夫名以制義義以出
禮禮以體政政以正民是以政成而民聽易
則生亂嘉耦曰妃怨耦曰仇古之命也今君
命大子曰仇弟曰成師始兆亂矣兄其替乎

仇音求耦五口反妃
芳非反替他計反

春秋左傳

卷四

桓公

十

晉書

條晉地大子文侯也意取於戰相仇怨成
師桓叔也西河界休縣南有地名千畝意
取能成其眾師服晉大夫名以制義名之
必可言也義以出禮禮從義出禮以體政
政以禮成反易禮義則亂生也古之命自
古有此言穆侯愛少子桓叔俱取於戰以
為名所附意異故師服知桓叔之黨必盛
於晉以傾宗國故因名以諷諫

是之二十四年晉始亂故封桓叔于曲沃靖
侯之孫欒賓傅之師服曰吾聞國家之立也
本大而末小是以能固故天子建國諸侯立
家卿置側室大夫有貳宗士有隸子弟庶人
工商各有分親皆有等衰是以民服事其上
而下無覬覦今晉甸侯也而建國本既弱矣
其能久乎

靖才并反欒力官反適丁歷反分
扶問反親七刃反衰初危反覲音

冀觥羊朱反
甸徒練反

春秋左傳

卷四

桓公

十一

晉古婁

惠魯惠公也晉文侯卒子昭侯元年危不自安封成師為曲沃伯靖侯桓叔之高祖父言得貴寵公孫為傅相建國立諸侯也立家卿大夫稱家側室眾子也得立此一官大夫適子為小宗次子為貳宗以相輔貳士卑自以其子弟為僕隸庶人無復尊卑以親疏為分別也哀殺也下無覲覲下不冀望上位甸侯諸侯而在甸服者

惠之三十年晉潘父弑昭侯而納桓叔不克晉人立孝侯

潘父晉大夫也昭侯文侯子孝侯昭侯子也

惠之四十五年曲沃莊伯伐翼弑孝侯翼人立其弟鄂侯鄂侯生哀侯哀侯侵涇庭之田涇庭南鄙啓曲沃伐翼

涇音刑

莊伯桓叔子翼晉國所都鄂國以隱五年

春秋左傳

卷四

桓公

十一

晉古婁

奔隨其年秋王立哀侯于翼陘庭翼南鄙
邑

秋左傳註卷第四終

春秋左傳註卷第五 桓三年 盡六年

晉 杜 預 註

經三年春正月公會齊侯于嬴

經之首時必書王明此歷天王之所班也
其或廢法違常失不班歷故不書王嬴齊

邑今泰山嬴縣

夏齊侯衛侯胥命于蒲

申約言以相命而不歃血也蒲衛地在陳

春和
留長垣縣西南

六月公會杞侯于郕

秋七月壬辰朔日有食之既

無傳既盡也歷家之說謂日光以望時遙奪月光故月食日月同會月奄日故日食食有上下者行有高下日光輪存而中食者相奄密故日光溢出皆既者正相當而相奄閒疏也然聖人不言月食日而以自

食為文闕於所不見

公子翬如齊逆女

禮君有故則使卿逆

九月齊侯送姜氏于讙讙呼端反

讙魯地濟北蛇邱縣西有下讙亭已去齊國故不言女未至於魯故不稱夫人

公會齊侯于讙

無傳

夫人姜氏至自齊

無傳告於廟也不言輦以至者齊侯送之
公受之於謹

冬齊侯使其弟年來聘

有年

無傳五穀皆熟書有年

傳三年春曲沃武公伐翼次于陘庭韓萬御
戎梁宏爲右逐翼侯于汾隰驂絰而止夜獲

之及欒共叔

汾扶云反驂七兩反
絰戶卦反共音恭

武公曲沃莊伯子也韓萬莊伯弟也御戎
僕也右戎車之右汾隰汾水邊驂駢馬共
叔桓叔之傅欒賓之子也賓傅翼侯父子
各殉所奉之主故并見獲而免

會于贏成昏于齊也

公不由媒介自與齊侯會而成昏非禮也

夏齊侯衛侯胥命于蒲不盟也

公會杞侯于郕杞求成也

二年入杞故今來求成

秋公子翬如齊逆女脩先君之好故曰公子齊侯送姜氏非禮也凡公女嫁于敵國姊妹則上卿送之以禮於先君公子則下卿送之於大國雖公子亦上卿送之於天子則諸卿皆行公不自送於小國則上大夫送之好呼報反昏禮雖奉時君之命其言必稱先君以為

禮辭故公子翬逆女傳稱脩先君之好公子遂逆女傳稱尊君命互舉其義齊侯送姜氏本或作送姜氏于謹公子則下卿送公子公女

冬齊仲年來聘致夫人也

古者女出嫁又使大夫隨加聘問存謙敬序殷勤也在魯而出則曰致女在他國而來則總曰聘故傳以致夫人釋之

芮伯萬之母芮姜惡芮伯之多寵人也故逐之出居于魏芮如銳反 惡烏路反

為明年秦侵芮張本芮國在馮翊臨晉縣 魏國河東河北縣

經四年春正月公狩于郎

冬獵曰狩行三驅之禮得田狩之時故傳曰書時禮也周之春夏之冬也田狩從夏時郎非國內之狩地故書地

夏天王使宰渠伯糾來聘糾居黝反

宰官渠氏伯糾名也王官之宰當以才授位而伯糾攝父之職出聘列國故書名以譏之國史之記必書年以集此公之事書首時以成此年之歲故春秋有空時而無事者今不書秋冬首月史闕文他皆放此

傳四年春正月公狩于郎書時禮也

郎非狩地故書時合禮

夏周宰渠伯糾來聘父在故名

秋秦師侵芮敗焉小之也

秦以芮小輕之故為芮所敗

冬王師秦師圍魏執芮伯以歸

三年芮伯出居魏芮更立君秦為芮所敗

故以芮伯歸將欲納之

經五年春正月甲戌己丑陳侯鮑卒

鮑步
鮑反

未同盟而書名者來赴以名故也甲戌前

年十二月二十一日己丑此年正月六日

陳亂故再赴赴雖日異而皆以正月起文

故但書正月慎疑審事故從赴兩書

夏齊侯鄭伯如紀

外相朝皆言如齊欲滅紀紀人懼而來告

故書

天王使仍叔之子來聘

仍叔天子之大夫稱仍叔之子本於父字

春秋左傳

卷五

桓公

六

管子集

幼弱之辭也譏使童子出聘
稽古

葬陳桓公

無傳

城祝邱

無傳齊鄭將襲紀故

秋蔡人衛人陳人從王伐鄭從才用反

王自為伐鄭之主君臣之辭也王師敗不書不以告

大雩

傳例曰書不時也失龍見之時

蝻蝻音終

無傳蝻蝻之屬為災故書

冬州公如曹

不書奔以朝出也為下實來書也曹國今

濟陰定陶縣

傳五年春正月甲戌己丑陳侯鮑卒再赴也

春秋左傳 卷五 桓公 七 晉書

春秋

卷五

於是陳亂文公子佗殺太子免而代之公疾病而亂作國人分散故再赴佗大河反免音問

佗桓公弟五父也稱文公子明佗非桓公母弟也免桓公太子

夏齊侯鄭伯朝于紀欲以襲之紀人知之王奪鄭伯政鄭伯不朝

奪不使知王政

秋王以諸侯伐鄭鄭伯禦之王為中軍虢公

林父將右軍蔡人衛人屬焉居公黑肩將左軍陳人屬焉鄭子元請為左拒以當蔡人衛人為右拒以當陳人曰陳亂民莫有鬪心若先犯之必奔王卒顧之必亂蔡衛不枝固將先奔既而萃於王卒可以集事從之曼伯為右拒祭仲足為左拒原繁高渠彌以中軍奉公為魚麗之陳先偏後伍伍承彌縫戰于緡葛命二拒曰旂動而鼓蔡衛陳皆奔王卒亂

春秋左傳

卷五

桓公

八

晉古婁

看未

和木

鄭師合以攻之王卒大敗祝聃射王中肩王亦能軍祝聃請從之公曰君子不欲多上人

況敢凌天子乎苟自救也社稷無隕多矣夜

鄭伯使祭足勞王且問左右將子匠反拒俱甫反卒尊忽反

萃似類反曼音萬麗力知反縫扶容反繻音須旌古外反射食亦反中丁仲反隕干敏反

勞力報反

號公林父王卿士黑肩周桓公也子元鄭公子拒方陳不枝不能相支持也萃聚也

集成也曼伯檀伯司馬法車戰二十五乘

為偏以車居前以伍次之承偏之隙而彌

縫闕漏也五人為伍此蓋魚麗陳法繻葛

鄭地旌旃也通帛為之蓋今大將之麾也

執以為號令王雖軍敗身傷猶殿而不奔

故言能軍曰君子不欲上人鄭於此收兵

自退祭足即祭仲之字蓋名仲字仲足也

勞王問左右言鄭志在苟免王討之非也

左傳

卷五

桓公

九

魯左傳

仍叔之子弱也

仍叔之子來聘童子將命無速反之心久
留在魯故經書夏聘傳釋之於末秋

秋大雩書不時也凡祀啓蟄而郊龍見而雩

始殺而嘗閉蟄而烝過則書蟄直立反見賢
遍反烝之承反

十二公傳唯此年及襄二十六年有兩秋

此發雩祭之例欲顯天時以指事故重言

秋異於凡事凡祀通下三句天地宗廟之

事也啓蟄夏正建寅之月祀天南郊龍曰

建巳之月蒼龍宿之體昏見東方萬物始

盛待雨而大故祭天遠為百穀祈膏雨建

酉之月陰氣始殺嘉穀始熟故薦嘗於宗

廟建亥之月昆蟲閉戶萬物皆成可薦者

眾故烝祭宗廟釋例論之備矣卜日有吉

否過次節則書以譏慢也

冬淳于公如曹度其國危遂不復

淳于州國所都城陽淳于縣也國有危難不能自安故出朝而遂不還

經六年春王正月寔來

寔實也不言州公者承上五年冬經如曹閒無異事省文從可知

夏四月公會紀侯于成

成魯地在泰山鉅平縣東南

秋八月壬午大閱

齊為大國以戎事徵諸侯之成嘉美鄭忽而忽欲以有功為班怒而訴齊魯人懼之故以非時簡車馬

蔡人殺陳佗

佗立踰年不稱爵者篡立未會諸侯也傳例在莊二十二年

九月丁卯子同生

桓公子莊公也十二公准子司是適夫人

春秋

稽古樓

之長子備用太子之禮故史書之於策不稱太子者書始生也

冬紀侯來朝

傳六年春自曹來朝書曰寔來不復其國也

亦承五年冬傳淳于公如曹也言奔則來行朝禮言朝則遂留不去故變文言寔來

楚武王侵隨使遠章求成焉軍於瑕以待之隨人使少師董成鬬伯比言於楚子曰吾不

得志於漢東也我則使然我張吾三軍而被吾甲兵以武臨之彼則懼而協以謀我故難閒也漢東之國隨為大隨張必棄小國小國離楚之利也少師侈請羸師以張之熊率且比曰季梁在何益鬬伯比曰以為後圖少師得其君王毀軍而納少師少師歸請追楚師隨侯將許之季梁止之曰天方授楚楚之羸其誘我也君何急焉臣聞小之能敵大也小

春秋左傳卷五 桓公 十二 管仲

道大淫所謂道忠於民而信於神也上思利民忠也祝史正辭信也今民餒而君逞欲祝史矯舉以祭臣不知其可也公曰吾牲牲肥膾粢盛豐備何則不信對曰夫民神之主也是以聖王先成名而後致力於神故奉牲以告曰博碩肥腍謂民力之普存也謂其畜之碩大蕃滋也謂其不疾疫蠶也謂其備腍咸有也奉盛以告曰絜粢豐盛謂其三時不害

而民和年豐也奉酒醴以告曰嘉栗旨酒謂其上下皆有嘉德而無違心也所謂馨香無讒慝也故務其三時脩其五教親其九族以致其禮祀於是乎民和而神降之福故動則有成今民各有心而鬼神乏主君雖獨豐其何福之有君姑脩政而親兄弟之國庶免於難隨侯懼而脩政楚不敢伐

遠于委反少詩照反被皮寄反
率音律且子余反餒如罪反矯居兆反牲音全膾徒忽反畜吁又反蕃音煩疾七木反蠶

左傳 卷五 桓公 三 齊古樓

春禾

力果反慝他得反
聞音問禋音因

隨國今義陽隨縣遠章楚大夫瑕隨地少師隨大夫董正也鬬伯比楚大夫令尹子文之父張自侈大也羸弱也熊率且比楚大夫季梁隨賢臣少師得君言季梁之諫不過一見從隨侯卒當以少師為計故云以為後圖二年蔡侯鄭伯會于鄧始懼楚楚子自此遂盛終於抗衡中國故傳備言

禾一杜

其事以終始之王納少師從伯比之謀隨侯許之信楚弱也正辭不虛稱君美逞快也矯舉以祭謂詐稱功德以欺鬼神牲牛羊豕也牲純色完全也膾亦肥也黍稷曰粢在器曰盛民為神主言鬼神之情依民而行博廣也碩大也雖告神以博碩肥膾其實皆當兼此四謂民力適完則六畜既大而滋也皮毛無疥癬兼備而無有所闕

春秋左傳

卷五

桓公

十四

管古樓

三時春夏秋嘉善也栗謹敬也馨香之遠
 聞五教父義母慈兄友弟恭子孝禮絜敬
 也九族謂外祖父外祖母從母子及妻父
 妻母姑之子姊妹之子女子之子非已之
 同族皆外親有服而異族者也民各有心
 民饑餒也

夏會于成紀來諮謀齊難也難乃旦反
 齊欲滅紀故來謀之

北戎伐齊齊侯使乞師于鄭鄭太子忽帥師
 救齊六月大敗戎師獲其二帥大良少良甲
 首三百以獻於齊於是諸侯之大夫成齊齊
 人饋之餼使魯為其班後鄭鄭忽以其有功
 也怒故有郎之師公之未昏於齊也齊侯欲
 以文姜妻鄭大子忽大子忽辭人問其故大
 子曰人各有耦齊大非吾耦也詩云自求多
 福在我而已大國何為君子曰善自為謀及

其敗戎師也齊侯又請妻之固辭人問其故
天子曰無事於齊吾猶不敢今以君命奔齊
之急而受室以歸是以師昏也民其謂我何

遂辭諸鄭伯

帥所類反少詩照反饋其媿反餽許既反妻七計反

甲首被甲者首饋生曰餽班次也魯親班
齊饋則亦使大夫戍齊矣經不書蓋史闕
文郎師在十年詩大雅文王言求福由己
非由人也善自為謀言獨絜其身謀不及

國及敗戎師齊侯又欲以他女妻之民謂
我何言必見怪於民遂假父之命以為辭

為十一年鄭忽出奔衛傳

秋大閱簡車馬也

九月丁卯子同生以天子生之禮舉之接以
大牢卜士負之士妻食之公與文姜宗婦命
之公問名於申繻對曰名有五有信有義有
象有假有類以名生為信以德命為義以類

春秋左傳

卷五

桓公

六

齊五妻

命爲象取於物爲假取於父爲類不以國不以官不以山川不以隱疾不以畜牲不以器幣周人以諱事神名終將諱之故以國則廢名以官則廢職以山川則廢主以畜牲則廢祀以器幣則廢禮晉以僖侯廢司徒宋以武公廢司空先君獻武廢二山是以大物不可以命公曰是其生也與吾同物命之曰同

大牢牛羊豕也以禮接夫人重適也禮世

子生三日卜士負之射人以桑弧蓬矢射天地四方卜士之妻爲乳母世子生三月君夫人沐浴於外寢立於阼階西鄉世婦抱子升自西階君命之乃降蓋同宗之婦申繻魯大夫名生爲信若唐叔虞魯公子友德命爲義若文王名昌武王名發類命爲象若孔子首象尼邱取物爲假若伯魚生人有饋之魚因名之曰鯉取父爲類若

春秋左傳註卷第五終

春秋左傳註卷第六

起桓七年
盡十八年

晉 杜 預 註

經七年春二月己亥焚咸丘

無傳焚火田也咸丘魯地高平鉅野縣南
有咸亭譏盡物故書

夏穀伯綏來朝

綏須
唯及

鄧侯吾離來朝

不總稱朝者各自行朝禮也穀國在南鄉

春秋左傳

卷六

桓公

一

稽古

筑陽縣北

傳七年春穀伯鄧侯來朝名賤之也

辟陋小國賤之禮不足故書名以春來夏

乃行朝禮故經書夏

夏盟向求成于鄭既而背之

盟音孟背音佩

盟向二邑各隱十一年王以與鄭故求與

鄭成

秋鄭人齊人衛人伐盟向王遷盟向之民于

邲邲古洽反

邲王城

冬曲沃伯誘晉小子侯殺之

曲沃伯武公也小子侯哀侯子

經八年春正月己卯烝

無傳此夏之仲月非為過而書者為下五

月復烝見瀆也例在五年

天王使冢父來聘

冢父左傳

卷六

桓公

二

清古樓

無傳家父天子大夫家氏父字

夏五月丁丑烝

無傳

秋伐邾

無傳

冬十月雨雪

雨于付反

無傳今八月也書時失

祭公來遂逆王后于紀

祭側界反

祭公諸侯為天子三公者王使魯主昏故

祭公來受命而迎也天子無外故因稱王

后卿不書舉重畧輕

傳八年春滅翼

曲沃滅之

隨少師有寵楚鬬伯比曰可矣讐有釁不可失也夏楚子合諸侯于沈鹿黃隨不會使蕩章讓黃楚子伐隨軍於漢淮之間季梁請下

春秋左傳

卷六

桓公

三

傳五書

之弗許而後戰所以怒我而怠寇也少師謂
隨侯曰必速戰不然將失楚師隨侯禦之望
楚師季梁曰楚人上左君必左無與王遇且
攻其右右無良焉必敗偏敗眾乃攜矣少師
曰不當王非敵也弗從戰于速杞隨師敗績
隨侯逸鬪丹獲其戎車與其戎右少師秋隨
及楚平楚子將不許鬪伯比曰天去其疾矣
隨未可克也乃盟而還

釁許觀反
去起呂反

釁瑕隙也無德者寵國之釁也沈鹿楚地
黃國今弋陽縣讓謂責其不會下之請服
也隨侯禦之遙見楚師君必左謂楚君也
少師必與王敵不從季梁謀速杞隨地逸
逃也鬪丹楚大夫戎車君所乘兵車也戎
右車右也寵之故以為右去疾謂少師見
獲而死

冬王命虢仲立晉哀侯之弟緡于晉

緡亡
巾反

春秋左傳

卷六

桓公

四

晉石樓

號仲王卿士號公林父

祭公來遂逆王后于紀禮也

天子娶於諸侯使同姓諸侯爲之主祭公來受命於魯故曰禮

經九年春紀季姜歸于京師

季姜桓王后也季字姜紀姓也書字者伸父母之尊

夏四月

秋七月

冬曹伯使其世子射姑來朝

射音亦

曹伯有疾故使其子來朝

傳九年春紀季姜歸于京師凡諸侯之女行唯王后書

爲書婦人行例也適諸侯雖告魯猶不書

巴子使韓服告于楚請與鄧爲好楚子使道朔將巴客以聘於鄧鄧南鄙鄆人攻而奪之

春火左傳

卷六

桓公

五

齊古樓

幣殺道朔及巴行人楚子使遠章讓於鄧鄧
 人弗受夏楚使鬬廉帥師及巴師圍鄧鄧養
 甥聘甥帥師救鄧三逐巴師不克鬬廉衡陳
 其師於巴師之中以戰而北鄧人逐之背巴
 師而夾攻之鄧師大敗鄧人宵潰好呼報反
乃甘反背音佩夾
古洽反潰戶對反
 韓服巴行人巴國在巴郡江州縣道朔楚
 大夫巴客韓服鄧在今鄧縣南沔水之北

鄧人弗受言非鄧人所攻鬬廉楚大夫二
 甥皆鄧大夫衡橫也分巴師為二部鬬廉
 橫陳於其間以與鄧師戰而偽北北走也
 楚師偽走鄧師逐之背巴師巴師攻之楚
 師自前還與戰宵夜也

秋虢仲芮伯梁伯荀侯賈伯伐曲沃

梁國在馮翊夏陽縣荀賈皆國名

冬曹太子來朝賓之以上卿禮也享曹太子

春秋
初獻樂奏而歎施父曰曹太子其有憂乎非歎所也

諸侯之適子未誓於天子而攝其君則以皮帛繼子男故賓之以上卿各當其國之上卿初獻酒始獻施父魯大夫

經十年春王正月庚申曹伯終生卒

未同盟而赴以名

夏五月葬曹桓公

無傳

秋公會衛侯于桃邱弗遇

無傳衛侯與公為會期中背公更與齊鄭故公獨往而不相遇也桃邱衛地濟北東阿縣東南有桃城

冬十有二月丙午齊侯衛侯鄭伯來戰于郎改侵伐而書來戰善魯之用周班惡三國討有辭

春秋

傳十年春曹桓公卒

和古樓

終施父之言

號仲譖其大夫詹父於王詹父有辭以王師

伐號譖側鳩反

詹章廉反

號仲王卿士詹父屬大夫

夏號公出奔虞

虞國在河東大陽縣

秋秦人納芮伯萬于芮

四年圍魏所執者

初虞叔有玉虞公求旃弗獻既而悔之曰周
諺有之匹夫無罪懷璧其罪吾焉用此其以
賈害也乃獻之又求其寶劍叔曰是無厭也
無厭將及我遂伐虞公故虞公出奔共池旃

然反諺音彥焉於虞反賈音古厭於鹽反共音恭

虞叔虞公之弟旃之也懷璧其罪人利其
璧以璧為罪賈賈也又求無厭知將殺我

春秋左傳

卷六

桓公

八

管子樓

共池地名闕

冬齊衛鄭來戰于郎我有辭也初北戎病齊諸侯救之鄭公子忽有功焉齊人餽諸侯使魯次之魯以周班後鄭鄭人怒請師於齊齊人以衛師助之故不稱侵伐先書齊衛王爵也

北戎病齊在六年不稱侵伐而以戰為文明魯直諸侯曲故言我有辭以禮自釋交

綏而退無敗須鄭主兵而序齊衛下者以王爵次之也春秋所以見魯猶秉周禮經十有一年春正月齊人衛人鄭人盟于惡曹

惡曹地闕

夏五月癸未鄭伯寤生卒

同盟於元年赴以名

秋七月葬鄭莊公

春秋左傳

卷六

桓公

九

齊桓公

和古樓

春秋

稽古樓

無傳三月而葬速

九月宋人執鄭祭仲

祭氏仲名不稱行人聽迫脅以逐君罪之也行人例在襄十一年釋例詳之

突歸于鄭

突厲公也為宋所納故曰歸例在成十八年不稱公子從告也文連祭仲故不言鄭

鄭忽出奔衛

忽昭公也莊公既葬不稱爵者鄭人賤之

以名赴

柔會宋公陳侯蔡叔盟于折折之設反

無傳柔魯大夫未賜族者蔡叔蔡大夫叔

名也折地闕

公會宋公于夫鐘夫音扶

無傳夫鐘郟地

冬十有二月公會宋公子闕闕品暫反

春秋左傳卷六 桓公 十 晉古樓

無傳闕魯地在東平須昌縣東南

傳十一年春齊衛鄭宋盟于惡曹

宋不書經闕

楚屈瑕將盟貳軫鄖人軍於蒲騷將與隨絞州蓼伐楚師莫敖患之鬬廉曰鄖人軍其郊必不誠且日虞四邑之至也君次於郊郢以禦四邑我以銳師宵加於鄖鄖有虞心而恃其城莫有鬬志若敗鄖師四邑必離莫敖曰

盍請濟師於王對曰師克在和不在眾商周之不敵君之所聞也成軍以出又何濟焉莫敖曰卜之對曰卜以決疑不疑何卜遂敗鄖

師於蒲騷卒盟而還軫之忍反鄖音云騷音蕭絞古卯反蓼音了敖

五刀反郢以井反盍戶各反

貳軫二國名鄭國在江夏雲杜縣東南有

鄖城蒲騷鄖邑絞國名州國在南郡華容

縣東南蓼國今義陽棘陽縣東南湖陽城

莫敖楚官名即屈瑕虞度也四邑隨絞州
 鄖也邑亦國也君謂屈瑕也郊郢楚地知
 鄖有虞心且恃近其城盍何不也濟益也
 商紂也周武王也傳曰武王有亂臣十八
 紂有億兆夷人卒盟貳軫

鄭昭公之敗北戎也齊人將妻之昭公辭祭
 仲曰必取之君多內寵子無大援將不立三
 公子皆君也弗從妻七計反 援於眷反

鄭敗北戎在六年君多內寵謂子突子亶
 子儀之母皆有寵

夏鄭莊公卒初祭封人仲足有寵於莊公莊
 公使為卿為公娶鄧曼生昭公故祭仲立之
 宋雍氏女於鄭莊公曰雍姑生厲公雍氏宗
 有寵於宋莊公故誘祭仲而執之曰不立突
 將死亦執厲公而求賂焉祭仲與宋人盟以
 厲公歸而立之為公于僞反曼音萬 女去聲姑其吉反

春秋左傳

卷六

桓公

十三

舊古樓

祭鄭地陳留長垣縣東北有祭城封人守封疆者因以所守為氏曼鄧姓雍氏姑姓宋大夫也以女妻人曰女祭仲之如宋非會非聘見誘而以行人應命

秋九月丁亥昭公奔衛己亥厲公立

經十有二年春正月

夏六月壬寅公會杞侯莒子盟于曲池

曲池魯地魯國汶陽縣北有曲水亭

秋七月丁亥公會宋公燕人盟于穀邱

穀邱宋地燕人南燕大夫

八月壬辰陳侯躍卒

躍羊畧反

無傳厲公也十一年與魯人夫盟于折不書葬魯不會也壬辰七月二十三日書於

八月從赴

公會宋公于虛

虛宋地

春秋

冬十有一月公會宋公于龜

稽古樓

龜宋地

丙戌公會鄭伯盟于武父

父音甫

武父鄭地陳畱濟陽縣東北有武父城

丙戌衛侯晉卒

無傳重書丙戌非義例因史成文也未同盟而赴以名

十有二月及鄭師伐宋丁未戰于宋

既書伐宋又重書戰者以見宋之無信也

莊十一年傳例曰皆陳曰戰尤其無信故

以獨戰為文

傳十二年夏盟于曲池平杞莒也

隱四年莒人伐杞自是遂不平

公欲平宋鄭秋公及宋公盟于句瀆之邱宋

成未可知也故又會于虛冬又會于龜宋公

辭平故與鄭伯盟于武父遂帥師而伐宋戰

春秋左傳

卷六

桓公

十四

晉古樓

焉宋無信也君子曰苟信不繼盟無益也詩云君子屢盟亂是用長無信也

句古侯反漬音豆長丁丈

反

句漬之邱即穀邱也宋以立厲公故多責賂於鄭鄭人不堪故不平宋公貪鄭賂故與公三會而卒辭不與鄭平詩小雅言無信故數盟數盟則情疏情疏而憾結故云長亂

楚伐絞軍其南門莫敖屈瑕曰絞小而輕輕則寡謀請無扞采樵者以誘之從之絞人獲三十人明日絞人爭出驅楚役徒於山中楚人坐其北門而覆諸山下大敗之為城下之盟而還伐絞之役楚師分涉于彭羅人欲伐之使伯嘉謀之三巡數之

輕遣政反扞戶且反樵在遙反覆扶

又反謀徒協反數色主反

扞衛也樵薪也獲楚人也坐猶守也覆設

春秋左傳卷六 桓公 十六 晉古婁

伏兵而待之城下盟諸侯所深恥彭水在新城昌魏縣羅熊姓國在宜城縣西山中後徙南郡枝江縣伯嘉羅大夫謀伺也巡徧也

經十有三年春二月公會紀侯鄭伯己巳及齊侯宋公衛侯燕人戰齊師宋師衛師燕師敗績

大崩曰敗績例在莊十一年或稱人或稱

師史異辭也衛宣公未葬惠公稱侯以接鄰國非禮也

三月葬衛宣公

無傳

夏大水

無傳

秋七月

冬十月

春秋左傳卷六 桓公 十六 晉古婁

春秋
傳十三年春楚屈瑕伐羅鬪伯比送之還謂
其御曰莫敖必敗舉趾高心不固矣遂見楚
子曰必濟師楚子辭焉人告夫人鄧曼鄧曼
曰大夫其非眾之謂其謂君撫小民以信訓
諸司以德而威莫敖以刑也莫敖狃於蒲騷
之役將自用也必小羅君若不鎮撫其不設
備乎夫固謂君訓眾而好鎮撫之召諸司而
勸之以令德見莫敖而告諸天之不假易也

和古

不然夫豈不知楚師之盡行也楚子使賴人
追之不及莫敖使徇于師曰諫者有刑及鄢
亂次以濟遂無次且不設備及羅羅與盧戎
兩軍之大敗之莫敖縊於荒谷羣帥囚于冶
父以聽刑楚子曰孤之罪也皆免之
見賢遍反好呼

報反盡津忍反徇似俊反鄙
於晚反縊一豉反治音也

趾足也伯比難言屈瑕將敗故以益師諷

諫楚子不解其旨故拒之鄧曼楚武王夫

春秋左傳

卷六

桓公

七

管古

人言伯比意不在於益眾也狃伏也蒲騷
 在十一年訓而鎮撫之撫小民以信也召
 而勸之訓諸司以德也諸之也言天不借
 貸慢易之人威莫敖以刑也賴國在義陽
 隨縣賴人仕於楚者狗宣令也鄢水在襄
 陽宜城縣入漢盧戎南蠻縉自經也荒谷
 冶父皆楚地

宋多責賂於鄭鄭不堪命故以紀魯及齊與

宋衛燕戰不書所戰後也

宋責立突賂於鄭鄭故以諸侯戰公後地
 期而及其戰故不書所戰之地

鄭人來請修好

好呼報反

經十有四年春正月公會鄭伯于曹

修十二年武父之好以曹地與會

無冰

無傳書時失

夏五

不書月闕文

鄭伯使其弟語來盟

秋八月壬申御廩災廩力錦反

御廩公所親耕以奉粢盛之倉也天火曰災例在宣十六年

乙亥嘗

先其時亦過也既戒曰致齊廩雖災苟不

害嘉穀則祭不應廢故書以示法

冬十有二月丁巳齊侯祿父卒

無傳隱六年盟於艾

宋人以齊人蔡人衛人陳人伐鄭

凡師能左右之日以例在僖二十六年

傳十四年春會于曹曹人致餼禮也

熟曰饗生日餼

夏鄭子人來尋盟且修曹之會

家火左傳 卷六 桓公 十九 舊古樓

子人即弟語也其後為子人氏

秋八月壬申御廩災乙亥嘗書不害也

災其屋救之則息不及穀故曰書不害

冬宋人以諸侯伐鄭報宋之戰也焚渠門入

及大逵伐東郊取牛首以大宮之椽歸為盧

門之椽達九龜反大音泰椽直專反

宋之戰在十二年渠門鄭城門逵道方九

軌東郊鄭郊牛首鄭邑大宮鄭祖廟盧門

宋城門告伐而不告人取故不入

經十有五年春二月天王使冢父來求車

三月乙未天王崩

無傳桓王也

夏四月己巳葬齊僖公

無傳

五月鄭伯突出奔蔡

突既篡立權不足以自固又不能倚任祭

仲反與小臣造賊盜之計故以自奔為文
罪之也例在昭三年

鄭世子忽復歸于鄭

忽實居君位故今還以復其位之例為文
也稱世子者忽為大子有母氏之寵宗卿
之援有功於諸侯此大子之盛者也而守
介節以失大國之助知三公子之疆不從
蔡仲之言修小善絜小行從匹夫之仁忘

社稷之大計故君子謂之善自為謀言不
能謀國也父卒而不能自君鄭人亦不君
之出則降名以赴入則逆以大子之禮始
於見逐終於見殺三公子更立亂鄭國者
實忽之由復歸例在成十八年

許叔入于許

許叔莊公弟也隱十一年鄭使許大夫奉
許叔居許東徧鄭莊公既卒乃入居位許

人嘉之以字告也叔本不去國雖稱入非國逆例

公會齊侯于艾

邾人牟人葛人來朝

牟亡侯反

無傳三人皆附庸之世子也其君應稱名

故其子降稱人牟國今泰山牟縣葛國在

梁國寧陵縣東北

秋九月鄭伯突入于櫟

櫟音歷

櫟鄭別都也今河南陽翟縣未得國直書

入無義例也

冬十有一月公會宋公衛侯陳侯于袤伐鄭

袤昌氏反

袤宋地在沛國相縣西南先行會禮而後

伐也

傳十五年春天王使冢父來求車非禮也諸侯不貢車服天子不私求財

冢父左傳

卷六

桓公

三十一

管子書

車服上之所以賜下不私求財諸侯有常職貢

祭仲專鄭伯患之使其壻雍糾殺之將享諸郊雍姬知之謂其母曰父與夫孰親其母曰人盡夫也父一而已胡可比也遂告祭仲曰雍氏舍其室而將享子於郊吾惑之以告祭仲殺雍糾尸諸周氏之汪公載以出曰謀及婦人宜其死也

婦人在室則天父出則天夫女以為疑故母以所生為本解之汪池也周氏鄭大夫殺而暴其尸以示戮也公愍其見殺故載其尸其出國

夏厲公出奔蔡

六月乙亥昭公入

許叔入于許

公會齊侯于艾謀定許也

春秋左傳

卷六

桓公

三

齊侯

春秋

稱古禮

秋鄭伯因櫟人殺檀伯而遂居櫟

檀徒丹反

檀伯鄭守櫟大夫

冬會于袤謀伐鄭將納厲公也弗克而還

經十有六年春正月公會宋公蔡侯衛侯于

曹

夏四月公會宋公衛侯陳侯蔡侯伐鄭

春既謀之今書會者魯諱議納不正蔡常在衛上今序陳下蓋後至

秋七月公至自伐鄭

用飲至之禮故書

冬城向

傳曰書時也而下有十一月舊說因謂傳

誤此城向亦俱是十一月但本事異各隨

本而書之耳經書夏叔弓如滕五月葬滕

成公傳云五月叔弓如滕即知但稱時者

未必與下月異也又推校此年閏在六月

春秋左傳

卷六

桓公

二十四

齊古禮

則月却而節前水星可在十一月而正也
詩云定之方中作于楚宮此未正中也功
役之事皆總指天象不與言歷數同也故
傳之釋經皆通言一時不月別

十有一月衛侯朔出奔齊

惠公也朔讒構取國故不言二公子逐罪
之也

傳十六年春正月會于曹謀伐鄭也

前年冬謀納厲公不克故復更謀

夏伐鄭秋七月公至自伐鄭以飲至之禮也
冬城向書時也

初衛宣公烝於夷姜生急子屬諸右公子為
之娶于齊而美公取之生壽及朔屬壽於左
公子夷姜縊宣姜與公子朔構急子公使諸
齊使盜待諸莘將殺之壽子告之使行不可
曰棄父之命惡用子矣有無父之國則可也

春秋

卷六

及行飲以酒壽子載其旌以先盜殺之急子
至曰我之求也此何罪請殺我乎又殺之二

公子故怨惠公十一月左公子洩右公子職

立公子黔牟惠公奔齊烝之承反屬音燭為
于偽反構古豆反公

使所吏反莘所申反惡音烏飲
以於鳩反洩息列反黔其廉反

夷姜宣公之庶母也上淫曰烝左右媵之

于因以為號夷姜失寵而自縊死宣姜宣

公所取急于之妻構會其過惡莘衛地陽

平縣西北有莘亭行去也惡安也黔牟羣

公子

經十有七年春正月丙辰公會齊侯紀侯盟

于黃

黃齊地

二月丙午公會邾儀父盟于趨趨翠
軌反

趨魯地稱字義與蔑盟同二月無丙午丙

午三月四日也日月必有誤

春秋左傳

卷六

桓公

二十

齊侯

春秋

利古

夏五月丙午及齊師戰于奚

奚魯地皆陳曰戰

六月丁丑蔡侯封人卒

十三年大夫盟于折

秋八月蔡季自陳歸于蔡

季蔡侯弟也言歸為陳所納

癸巳葬蔡桓侯

無傳稱侯蓋謬誤三月而葬速

及宋人衛人伐邾

冬十月朔日有食之

甲乙者歷之紀也晦朔者日月之會也日食不再以不存晦朔晦朔須甲乙而可推故日食必以書朔日為例

傳十七年春盟于黃平齊紀且謀衛故也

齊欲滅紀衛逐其君

及邾儀父盟于越尋蔑之盟也

春秋

左傳

卷六

桓公

二十七

齊左傳

茂盟在隱元年

夏及齊師戰于奚疆事也於是齊人侵魯疆疆吏來告公曰疆場之事慎守其一而備其不虞姑盡所備焉事至而戰又何謁焉疆居良反

場音亦

疆事爭疆界也虞度也不度猶不意也齊背盟而來公以信待故不書侵伐

蔡桓侯卒蔡人召蔡季于陳

桓侯無子故召季而立之季內得國人之望外有諸侯之助故書字以善得眾稱歸以明外納

秋蔡季自陳歸于蔡蔡人嘉之也

嘉之故以字告

伐邾宋志也

邾宋爭疆魯從宋志皆趙之盟

冬十月朔日有食之不書日官失之也天子

春秋左傳

卷六

桓公

三

指古

春秋左傳卷六桓公三十九年

有日官諸侯有日御日官居卿以底日禮也

日御不失日以授百官于朝底音旨

日官日御典歷數者日官天子掌歷者不

在六卿之數而位從卿故言居卿也底平

也謂平歷數日官平歷以班諸侯諸侯奉

之不失天時以授百官

初鄭伯將以高渠彌為卿昭公惡之固諫不

聽昭公立懼其殺已也辛卯殺昭公而立公

子亶君子謂昭公知所惡矣公子達曰高伯

其為戮乎復惡已甚矣惡烏路反亶音尾復扶又反

公子亶昭公弟公子達魯大夫復重也本

為昭公所惡而復弑君重為惡也

經十有八年春王正月公會齊侯于濼濼音洛

濼水在濟南歷城縣西北入濟

公與夫人姜氏遂如齊

公本與夫人俱行至濼公與齊侯行會禮

春秋左傳卷六桓公三十九年

故先書會灤既會而相隨至齊故曰遂

夏四月丙子公薨于齊

不言戕諱之也戕例在宣十八年

丁酉公之喪至自齊

無傳告廟也丁酉五月一日有日而無月

秋七月

冬十有二月己丑葬我君桓公

無傳九月乃葬緩慢也

傳十八年春公將有行遂與姜氏如齊申繻

曰女有家男有室無相瀆也謂之有禮易此

必敗公會齊侯于灤遂及文姜如齊齊侯通

焉公謫之以告

瀆徒木反
謫直革反

將有行始議行事女安夫之家夫安妻之

室違此則為瀆今云將姜氏如齊故知其

當致禍亂謫譴也以告夫人告齊侯

夏四月丙子享公使公子彭生乘公公薨于

齊左傳

卷六

桓公

三十

齊子慶

春秋左傳卷六 桓公 三十一 齊桓公

車魯人告于齊曰寡君畏君之威不敢寧居
來修舊好禮成而不反無所歸咎惡於諸侯
請以彭生除之齊人殺彭生好呼報反

齊侯為公設享燕之禮上車曰乘彭生多
力拉公幹而殺之請以彭生除之謂除恥
辱之惡也殺彭生不書非卿

秋齊侯師于首止子豐會之高渠彌相七月
戊戌齊人殺子豐而輟高渠彌祭仲逆鄭子

于陳而立之是行也祭仲知之故稱疾不住

人曰祭仲以知免仲曰信也輟音忠知音智

陳師首止討鄭弑君也首止衛地陳留襄

邑縣東南有首鄉子豐會之不知齊欲討

己車裂曰輟鄭子昭公弟子儀也時人知

祭仲失忠臣之節仲以子豐為渠彌所立

本既不正又不能固位安民宜其見除故

即而然譏者之言以明本意

春秋左傳卷六 桓公 三十一 齊桓公

周公欲弑莊王而立王子克辛伯告王遂與王殺周公黑肩王子克奔燕初子儀有寵於桓王桓王屬諸周公辛伯諫曰並后匹嫡兩政耦國亂之本也周公弗從故及

莊王桓王太子王子克莊王弟于儀辛伯周大夫並后妾如后匹嫡庶如嫡兩政臣擅命耦國都如國及謂及於難也

春秋左傳註卷第六終

春秋左傳註卷第七

莊元年
盡十年

晉

杜

預

註

莊公

名同桓公子母文姜
諡法勝敵克亂曰莊

經元年春王正月

三月夫人孫于齊

孫作遜
音同

夫人莊公母也魯人責之故出奔內諱奔謂之孫猶孫讓而去

夏單伯送王姬

單音善

春秋左傳

卷七

莊公

一

晉左傳

無傳單伯天子卿也單采地伯爵也王將嫁女于齊既命魯為主故單伯送女不稱使也王姬不稱字以王為尊且別於內女也天子嫁女於諸侯使同姓諸侯主之不親昏尊卑不敵

秋築王姬之館于外

公在諒闇慮齊侯當親迎不忍便以禮接於廟又不敢逆王命故築舍於外

冬十月乙亥陳侯林卒

無傳未同盟而赴以名

王使榮叔來錫桓公命

無傳榮叔周大夫榮氏叔字錫賜也追命桓公褒稱其德若昭七年王追命衛襄之比

王姬歸于齊

無傳不書逆公不與接

春秋

齊師遷紀邢鄆部

邢蒲丁反鄆子
斯反鄆音吾

稱古樓

無傳齊欲滅紀故徙其三邑之民而取其地邢在東莞臨胸縣東南鄆在朱虛縣東南北海都昌縣西有訾城

傳元年春不稱即位文姜出故也

文姜與桓俱行而桓為齊所殺故不敢還莊公父弑母出故不忍行即位之禮據文姜未還故傳稱文姜出也姜於是感公意

而還不書不告廟

三月夫人孫于齊不稱姜氏絕不為親禮也

姜氏齊姓於文姜之義宜與齊絕而復奔齊故於其奔去姜氏以示義

秋築王姬之館于外為外禮也

齊疆魯弱又委罪于彭生魯不能讐齊然喪制未闕故異其禮得禮之變

經二年春王二月葬陳莊公

春秋左傳

卷七

莊公

三

齊魯

無傳魯往會之故書例在昭六年

夏公子慶父帥師伐於餘邱

無傳於餘邱國名也莊公時年十五則慶

父莊公庶兄

秋七月齊王姬卒

無傳魯為之主比之內女

冬十有二月夫人姜氏會齊侯于禚

夫人行不以禮故還皆不書不告廟也禚

齊地

乙酉宋公馮卒

無傳再與桓同盟

傳二年冬夫人姜氏會齊侯于禚書姦也

文姜前與公俱如齊後懼而出奔至此始

與齊好會會非夫人之事顯然書之傳曰

書姦姦在夫人文姜比年出會其義皆同

經三年春王正月溺會齊師伐衛

季火左傳卷七莊公四管行婁

春秋

卷七

溺魯大夫疾其專命而行故去氏

夏四月葬宋莊公

無傳

五月葬桓王

秋紀季以鄒入于齊

鄒戶圭反

季紀侯弟鄒紀邑在齊國東安平縣齊欲滅紀故季以邑入齊為附庸先祀不廢社稷有奉故書字貴之

冬公次于滑

滑平八反

滑鄭地在陳留襄邑縣西北傳例曰凡師過信為次兵未有所加所次則書之既書兵所加則不書其所次以事為宜非虛次

傳三年春溺會齊師伐衛疾之也

傳重明上例

夏五月葬桓王緩也

以桓十五年三月崩七年乃葬故曰緩

春秋左傳

卷七

莊公

五

晉古婁

春秋紀季以鄒入于齊紀於是乎始判

判分也言分爲附庸始於此

冬公次于滑將會鄭伯謀紀故也鄭伯辭以

難凡師一宿爲舍再宿爲信過信爲次難乃

辭以難厲公在櫟故爲經書次例也舍宿

不書輕也言凡師通君臣

經四年春王二月夫人姜氏享齊侯于祝邱

無傳享食也兩君相見之禮非夫人所用

直書以見其失祝邱魯地

三月紀伯姬卒

無傳隱二年裂繻所逆者內女唯諸侯夫

人卒葬皆書恩成於敵體

夏齊侯陳侯鄭伯遇于垂

無傳

紀侯大去其國

以國與季季奉社稷故不言滅不見迫逐

春秋左傳卷七 莊公 六 嘗言其

故不言奔大去者不反之辭

六月乙丑齊侯葬紀伯姬

無傳紀季入鄆為齊附庸而紀侯大去其國齊侯加禮初附以崇厚義故攝伯姬之喪而以紀國夫人禮葬之

秋七月

冬公及齊人狩于禚

狩手又反

無傳公越竟與齊微者俱狩失禮可知

傳四年春王三月楚武王荆尸授師子焉

伐隨將齊人告夫人鄧曼曰余心蕩鄧曼歎

曰王祿盡矣盈而蕩天之道也先君其知之

矣故臨武事將發大命而蕩王心焉若師徒

無勸王薨於行國之福也王遂行卒於櫛木

之下令尹鬬祁莫敖屈重除道梁澆營軍臨

隨隨人懼行成莫敖以王命入盟隨侯且請

為會於漢汭而還濟漢而後發喪

子吉熱反將齊側皆

春秋左傳

卷七

莊公

七

晉古樓

反補音朗
澁側嫁反

尸陳也荆亦楚也更為楚陳兵之法揚雄
方言子者戟也然則楚始於此參用戟為
陳將齊將授兵於廟故齊蕩動散也楚為
小國僻陋在夷至此武王始起其眾僭號
稱王陳兵授師志意盈滿臨齊而散故鄧
曼以天地鬼神為徵應之符王薨於行謂
不死於敵楠木木名陰道梁澁時祕王喪

故為奇兵更開直道澁水在義陽厥縣西
東南入鄖水梁橋也隨人不意其至故懼
而行成汭內也謂漢西

紀侯不能下齊以與紀季夏紀侯大去其國

違齊難也下遐嫁反
難乃且反

紀侯不能降屈事齊盡以國與季明季不
叛違辟也

經五年春王正月

春秋左傳卷七 莊公 八

夏夫人姜氏如齊師

無傳書姦

秋郟犁來來朝

郟五分反 犁力兮反

附庸國也東海昌慮縣東北有郟城犁來名

冬公會齊人宋人陳人蔡人伐衛

傳五年秋郟犁來來朝名未王命也

未受爵命為

侯傳發附庸稱名例也

後數從齊桓以尊周室王命以為小第
冬伐衛納惠公也

惠公朔也桓十六年出奔齊

經六年春王正月壬子突救衛

壬子王之微官也雖官卑而見授以大事故稱人而又稱字

夏六月衛侯朔入于衛

朔為諸侯所納不稱歸而以國逆為文朔

春秋左傳

卷七

莊公

九

晉書

卷末 稽古樓

懼失眾心以國逆告也歸入例在成十八年

秋公至自伐衛

無傳告于廟也

螟蝻亡
丁反

無傳為災

冬齊人來歸衛俘

俘芳扶反

公羊穀梁經傳皆言衛寤叱身亦言

此經言俘疑經誤俘囚也

傳六年春王人救衛

夏衛侯入放公子黔牟于周放甯跪于秦殺

左公子洩右公子職乃即位君子以二公子

之立黔牟為不度矣夫能固位者必度於本

末而後立衷焉不知其本不謀知本之不枝

弗強詩云本枝百世

甯乃定反跪其毀反度待洛反衷丁仲反

甯跪衛大夫宥之以遠曰放本末終始也

春秋左傳 卷七 莊公 十 稽古樓

哀節適也譬之樹木本弱者其枝必披非
人力所能強成詩大雅言文王本枝俱茂
蕃滋百世也

冬齊人來歸衛寶文姜請之也

公親與齊共伐衛事畢而還文姜淫於齊
侯故求其所獲珍寶使以歸魯欲說魯以
謝慙

楚文王伐申過鄧鄧祁侯曰辱也而亨

之騶甥聃甥養甥請殺楚子鄧侯弗許三甥
曰亡鄧國者必此人也若不早圖後君噬齊
其及圖之乎圖之此為時矣鄧侯曰人將不
食吾餘對曰若不從三臣抑社稷實不血食
而君焉取餘弗從還年楚子伐鄧十六年楚
復伐鄧滅之祁巨支反騶音佳遂
市制反齊粗兮反

祁諡也姊妹之子曰甥騶聃養皆鄧甥仕
於舅氏也噬齊若齧腹齊喻不可及不食

吾餘言自害其甥必為人所賤君焉取餘
言君無復餘還年伐申還之年魯莊公十
六年楚終疆盛為經書楚事張本

經七年春夫人姜氏會齊侯于防

防魯地

夏四月辛卯夜恆星不見見賢
遍反

恆常也謂常見之星辛卯四月五日月光
尚微蓋時無雲日光不以昏沒

夜中星隕如雨中丁仲反
隕丁閔反

如而也夜半乃有雲星落而且雨其數多
皆記異也日光不匿恆星不見而云夜中
者以水漏知之

秋大水

無傳

無麥苗

今五月周之秋平地出水漂殺熟麥及五

稼之苗

冬夫人姜氏會齊侯于穀

無傳穀齊地今濟北穀城縣

傳七年春文姜會齊侯于防齊志也

文姜數與齊侯會至齊地則姦發夫人至魯地則齊侯之志故傳畧舉二端以言之
夏恆星不見夜明也星隕如雨與雨偕也
偕俱也

秋無麥苗不害嘉穀也

黍稷尚可耕種故曰不害嘉穀

經八年春王正月師次于郎以俟陳人蔡人
無傳期共伐邾陳蔡不至故駐師于郎以待之

甲午治兵

治兵於廟習號令將以圍邾

夏師及齊師圍邾邾降于齊師

降戶江反

春秋左傳

卷七

莊公

十三

管古樓

春秋

卷七

二國同討而齊獨納郕

秋師還

時史善公克已復禮全軍而還故特書師還

冬十有一月癸未齊無知殺其君諸兒

稱臣臣之罪也

傳八年春治兵于廟禮也夏師及齊師圍郕郕降于齊師仲慶父請伐齊師公曰不可我

實不德齊師何罪罪我之由夏書曰皋陶邁

種德德乃降姑務修德以待時乎秋師還君

子是以善魯莊公

夏戶雅反陶音遙

慶父請伐齊齊不與魯共其功故欲伐之

夏書逸書也稱皋陶能勉種德邁勉也修

德以待時言苟有德乃為人所降服姑且

也秋師還傳言經所以即用舊史之文

齊侯使連稱管至父戍葵邱瓜時而往曰及

春秋左傳

卷七

莊公

十四

齊下

瓜而代期成公問不至請代弗許故謀作亂
 僖公之母弟曰夷仲年生公孫無知有寵於
 僖公衣服禮秩如適襄公絀之二人因之以
 作亂連稱有從妹在公宮無寵使間公曰捷
 吾以女為夫人稱尺證反期音基適丁歷反
 紕勃律反從才用反間如字
 捷在接反
 女音汝
 連稱管至父皆齊大夫戍守也葵邱齊地
 臨淄縣西有地名葵邱問命也適天子二

人連稱管至父間公伺公之間隙捷克也

宜無知之言

冬十二月齊侯游于姑棼遂田于貝邱見大
 豕從者曰公子彭生也公怒曰彭生敢見射
 之豕人立而啼公懼隊于車傷足喪屨反誅
 屨於徒人費弗得鞭之見血走出遇賊于門
 劫而束之費曰我奚御哉袒而示之背信之
 費請先入伏公而出鬪死于門中石之紛如

春秋

左傳

卷七

莊公

五

晉古婁

死于階下遂入殺孟陽于牀曰非君也不類
見公之足于戶下遂弑之而立無知初襄公
立無常鮑叔牙曰君使民慢亂將作矣奉公
子小白出奔莒亂作管夷吾召忽奉公子糾
來奔初公孫無知虐于雍廩夢扶云反貝補
蓋反樂音洛敢
見賢通反射食亦反啼田兮反隊直類反喪
息浪反屢允具反費音祕御魚呂反祖音怛
紛敷文反牀主
良反鮑步卯反

姑琴貝邱皆齊地田獵也樂安博昌縣南

有地名貝邱公見大豕而從者見彭生皆
妖鬼誅責也費請先入詐欲助賊石之紛
如齊小臣亦鬪死孟陽亦小臣代公居牀
立無知經書十一月癸未長歷推之月六
日也傳云十二月傳誤無常謂政令無常
鮑叔牙小白傳小白僖公庶子管夷吾召
忽皆子糾傳也子糾小白庶兄來不書皆
非卿也為九年公伐齊納子糾齊小白入

于齊傳雍廩齊大夫為殺無知傳

經九年春齊人殺無知

無知弑君而立未列於會故不書爵例在

成十六年

公及齊大夫盟于莒

莒其器反

齊亂無君故大夫得敵於公蓋欲迎子糾

也來者非一人故不稱君莒魯地琅邪

縣北有莒亭

夏公伐齊納子糾

齊小白入于齊

二公子各有黨故雖盟而迎子糾當須伐

乃得入又出在小白之後小白稱入從國

逆之文本無位

秋七月丁酉葬齊襄公

無傳九月乃葬亂故

八月庚申及齊師戰于乾時我師敗績

乾音干

春秋左傳

卷七

莊公

十七

齊下書

春秋

和古樓

小白既定而公猶不退師歷時而戰戰遂大敗不稱公戰公敗諱之乾時齊地時水在樂安界岐流旱則竭涸故曰乾時

九月齊人取子糾殺之

公子為賊亂則書齊實告殺而書齊取殺者時使惡齊志在譎以求管仲非不忍其親故極言之

又浚洙

浚蘇俊反音洙

無傳洙水在魯城北下合泗浚深之為

備

傳九年春雍廩殺無知

公及齊大夫盟于既齊無君也

夏公伐齊納子糾桓公自莒先入

桓公小白

秋師及齊師戰于乾時我師敗績公喪戎路
傳乘而歸

春秋左傳

卷七

莊公

十八

齊子妻

戎路兵車傳乘他車

秦子梁子以公旗辟于下道是以皆止鮑叔帥師來言曰子糾親也請君討之管召讐也請受而甘心焉乃殺子糾于生竇召忽死之管仲請囚鮑叔受之及堂阜而稅之歸而以告曰管夷吾治於高侯使相可也公從之

避召詩照反讐市由反射食亦反竇音豆稅土活反侯音奚

秦梁二子公御及戎右也以誤齊師止獲

也鮑叔乘勝而進軍志在生得管仲故

不忍之辭管仲射桓公故曰讐甘心言欲

快意戮殺之生竇魯地堂阜齊地東莞蒙

陰縣西北有夷吾亭或曰鮑叔解夷吾縛

於此因以為名高侯齊卿高敬仲也言管

仲治理政事之才多於敬仲

經十年春王正月公敗齊師于長勺

勺上酌反

齊人雖成列魯以權譎稽之列成而不得

春秋左傳

卷七

莊公

十九

管古樓

用故以未陳爲文例在十一年長勺魯地
二月公侵宋

無傳侵例在二十九年

三月宋人遷宿

無傳宋強遷之而取其地故文異於邢遷

夏六月齊師宋師次于郎

不言侵伐齊爲兵主背蕲之盟義與長勺
同

公敗宋師于乘邱乘繩
證反

乘邱魯地

秋九月荆敗蔡師于莘莘所
巾反

荆楚本號後改爲楚楚辟陋在夷於此始
通中國然告命之辭猶未合典禮故不稱

將帥莘蔡地

以蔡侯獻舞歸

獻舞蔡季

春秋左傳卷七 莊公 二十 宣子妻

冬十月齊師滅譚譚徒南反

和古樓

譚國在濟南平陵縣西南傳曰譚無禮此直釋所以見滅經無義例他皆放此滅例

在文十五年

譚子奔莒

不言出奔國滅無所出

傳十年春齊師伐我公將戰曹劌請見其鄉人曰肉食者謀之又何間焉劌曰肉食者鄙

未能遠謀乃入見問何以戰公曰衣食所安弗敢專也必以分人對曰小惠未徧民弗從也公曰犧牲玉帛弗敢加也必以信對曰小信未孚神弗福也公曰小大之獄雖不能察必以情對曰忠之屬也可以一戰戰則請從公與之乘戰于長勺公將鼓之劌曰未可齊人三鼓劌曰可矣齊師敗績公將馳之劌曰未可下視其轍登軾而望之曰可矣遂逐齊

左傳卷七 莊公 三十一 齊左傳

師既克公問其故對曰夫戰勇氣也一鼓作
 氣再而衰三而竭彼竭我盈故克之夫大國
 難測也懼有伏焉吾視其轍亂望其旗靡故
 逐之剽古衛反見賢通反間間廁之間徧音
 遍屬音燭從才用反乘繩證反軾音式
 齊伐不書侵伐齊背蕪之盟我有辭曹劌
 魯人肉食在位者閒猶與也分公衣食所
 惠不過左右故曰未徧信謂祝辭不敢以
 小為大以惡為美孚大信也情謂必盡已

情察審也上思利民忠也公與之乘其乘

兵車視轍視車跡也懼有伏恐詐奔旗靡

轍亂怖遽

夏六月齊師宋師次于郎公子偃曰宋師不
 整可敗也宋敗齊必還請擊之公弗許自雩
 門竊出蒙皋比而先犯之公從之大敗宋師
 于乘邱齊師乃還雩音于
 比音毗

公子偃魯大夫雩門魯南城門皋比虎皮

蔡哀侯娶于陳息侯亦娶焉息媯將歸過蔡
蔡侯曰吾媯也止而見之弗賓息侯聞之怒
使謂楚文王曰伐我吾求救於蔡而伐之楚
子從之秋九月楚敗蔡師于莘以蔡侯獻舞
歸

妻之姊妹曰媯弗賓不禮敬也

齊侯之出也過譚譚不禮焉及其入也諸侯
皆賀譚又不至冬齊師滅譚譚無禮也譚子

奔莒同盟故也

齊侯以九年入傳言譚不能及遠所以亡

春秋

利古本

春秋左傳註卷第七終

